



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Replica Ioan. Eckii Adversvs Scripta secunda Buceri  
apostatæ super actis Ratisponæ**

**Eck, Johannes**

**Ingolstadii, 1543**

**VD16 E 416**

Hosandri Herodiana tyrannis in infantes.

**urn:nbn:de:hbz:466:1-30106**

aduersum. Sed cur hanc Tragœdiam excitat Bucer, cum fateatur suos non contradicuros?

Et si fateatur hunc articulum conciliatum, tamen non quiescit homo pacis impatiens, & dicit catholicos verba Lutheri eo rapuisse, ac si hoc peccatum vitiatæ naturæ esset huiusmodi, quod æternæ damnationi faceret obnoxium: hoc aut negat de mente fuisse Lutheri & suorum. Cuperem scire, an in gregem suum adscisceret illum indoctum Baccalaureum Nurmbergen. Hofandrum iniurijs & conuitijs in catholicos bacchantem. Is autem dicit hoc esse capitale, abominabile & damnabile peccatum. At forte relinquit Hofandrum Bucerus, sicut nec Melanchthon pro eo voluit rationem reddere Vuormaciæ. Hinc ægre tulit Melanchthon, quod toties capitalis peccati meminisset, dicens peccatum regnans dici capitale, quod non sit in renatis peccatis. Et tamen hoc posuit Hofander in infami libro suo contra Eckium. Relicto Hofandro in sordibus, suscipiamus Lutherum, quem nominatim excusare nititur, quod excusare eum non possit. Nam antea hoc tentauit Melanchthon, sed infeliciter, qui super eo sic scripsit in Apologia. Hic aduersarij flagellant Lutherum, quod scripserit peccatum originis manere post baptismum. Manifesta calumnia. Semper ita scripsit, quod baptismus tollat reatum peccati originalis, etiam si materiale (vt isti vocant) peccati semper maneat. At alias ostendit illos non vsos calumnia, & Lutherum inexcusabilem. Id quod Reueren. cardinali Egidio Viterbie. Iobieci coram felicis recordationis Leone X. & toto cœtu cardinalium, in doctissimorum viroꝝ præsentia. Sic enim scripsit in resolutionibus conclusionum suarum: Error est, quod peccatum, quo ad formale tollatur: formale autem appellant priuationem gratiæ, materiale autem ipsum fomitem. Reatus autem tantum tollitur, formale autem tantum manet, quantum materiale. Quis hic non videt Luderis apertam sententiam,

Hofander  
infantes  
grauat ca-  
pitali pec-  
cato.

Luder in-  
excusabi-  
lis.  
Eckij obie-  
ctio coram  
Papa &  
cardinali-  
bus.



tiam, peccatū manere in baptifato, quo ad formale, & quo ad materiale. Ideo alibi fcripfit, peccatum originale etiam manere post baptifmum: Immo alicubi improbat fophifas, quia cogitauerunt peccatum originale post baptifmū non eſſe peccatum in primam tabulam. Sed pudet Lutheranos agnitum etiam errorem reuocare, quia ex ſuperbia nolunt videri victi.

Noua hæreſis Lutheri.

Aduerte iam Bucer errata Lutheri, quàm iſta congruāt cum iſtis, quæ hic ſcribis & Melanchthon in Apologia. Expendite quàm minime conueniant cum formula concordie Vuormaciæ à vobis recepta, quam hic in gratiam lectoris ſubſcribere volui.

Fatemur vnanimi ſententia, omnes ab Adam propagatos ſecundum communem legem naſci cum peccato originali, & ita in ira dei. Eſt autem peccatum originale carentia iuſtitie originalis debitæ in eſſe cū concupiſcentia. Conſentimus etiam in baptifmo reatū peccati originalis remitticum omnibus peccatis, per meritū paſſionis Chriſti. Manere autem, non ſolum apoſtolicis ſcripturis, ſed ipſa experientia docti ſentimus, concupiſcentiam, vitium nature, in firmitatem, morbum &c. de q̄ quidem morbo in renatis inter nos conuenit, q̄ maneat materiale peccati originis, formali per baptifmum ſublato. Materiale autē vocamus peccatum, q̄d ſit ex peccato, quod ad peccatum inclinet, quod repugnet legi dei, quemadmodum & Paulus appellat. Ad eandē etiam rationem in ſcholis compedio dici ſolet: Manere in baptifato originis peccati materiale, formale vero, q̄d reatus eſt, auferri. Concordia iſta facta eſt in præſentia reuerendiſſimi epiſcopi Attrebatē. & illuſtris domini à Grauellæ ſecretarij Cæſaris, Gerardi, & Cæcellarij Saxonie. Ex his clarum eſt catholicos non feciſſe iniuriam Luthero aut Hoſandro. Nolo refricare, quæ Bucer cum ſuis fratribus Zuinglio & Oecolampadio ſenſit olim: Originale peccatū  
I prorsus

Concordia Vuormaciæ.

Concupiſcentia cur peccatum.

Hæreſis olim Buceſtri.